

Na osnovu člana 72. Zakona o javnim nabavkama u BiH, („Službeni glasnik BiH“ broj: 39/14), a nakon provedenog otvorenog postupka javne nabavke lijekova, sanitetskog i medicinskog materijala za potrebe KJU „Gerontološki centar“ Sarajevo, pravosnažne Odluke o izboru najpovoljnijeg ponuđača, broj: 09-1458-7-1/15 od 15.01.2016.godine i Okvirnog sporazuma broj: 09-1458-9/15 od 22.01.2016.godine, ugovorne strane:

3. **KANTONALNA JAVNA USTANOVA „GERONTOLOŠKI CENTAR“ SARAJEVO, ul. Aleja Bosne srebrene br.7., Sarajevo**, registrovan kod Kantonalnog suda u Sarajevu pod brojem UF/I-2260/97 od 15.08.1997.god. i Općinskog suda u Sarajevu Rješ. Br. 065-0-Reg-07-000174 od 25.06.2007.god., identifikacijski broj kod Porezne uprave FBiH Kantonalni ured Sarajevo 4200092250001, koga zastupa Direktor Ismet Skoko, mr.sci.ecc. (u daljem tekstu: Ugovorni organ)

i

4. **Privatna zdravstvena ustanova Apoteka „Eurofarm-Centar“, ul. Butmirska cesta br. 10., Sarajevo**, registrovan kod Općinskog suda u Sarajevu pod brojem (matični broj subjekta upisa: 65-05-0038-11), identifikacijski broj kod Porezne uprave FBiH Kantonalni ured Sarajevo 4200175110007, identifikacijski broj obveznika PDV 200175110007, koga zastupa Direktorica Sanija Pešković, mr.ph. (u daljem tekstu: Dobavljač)

dana 23.01.2017.godine, u Sarajevu, zaključuju:

UGOVOR O NABAVCI LIJEKOVA

Član 1.

Dobavljač se obavezuje da će Ugovornog organa kontinuirano snadbijevati **lijekovima**, u skladu sa potrebama iskazanim u Specifikaciji i zahtjevima iz Tenderske dokumentacije broj: 09-1458-1/15. od 27.11.2015.godine, te uvjetima preciziranim Ponudom Dobavljača broj: 25/15 od 21.12.2015.godine, a sve u skladu sa potrebama Ugovornog organa.

Član 2.

Ukupna maksimalna vrijednost ovog Ugovora bez PDV-a iznosi **55.550,56 KM** odnosno sa uključenim PDV-om iznosi **64.994,15 KM**.

Maksimalna vrijednost ovog Ugovora bazirana je na maksimalnoj okvirnoj godišnjoj količini lijekova, koja se planira nabaviti u ugovorenom periodu.

Ukupna količina i ukupna vrijednost ugovora za ugovoreni period se ne može precizno utvrditi i planirati i zavisi od nastalih potreba Ugovornog organa u toku ugovorenog perioda.

Ugovorni organ zadržava pravo potpune ili djelimične realizacije nabavke prema tenderskoj Specifikaciji i svojim potrebama.

Član 3.

Ugovorne strane su saglasne da se u periodu važenja ovog Ugovora, jedinične cijene robe precizirane u Ponudi Dobavljača, neće mijenjati.

U slučaju značajnijih promjena na tržištu, koje utiču na cijene robe koja je predmet nabavke, što podrazumijeva više ili niže cijene u odnosu na cijene precizirane Ponudom dobavljača, ugovorne strane zadržavaju pravo da pismenom obaviješću otkazu ovaj Ugovor.

Član 4.

Dobavljač garantuje Ugovornom organu da u poslovanju sa lijekovima u svemu postupuje u skladu sa Zakonom o lijekovima i medicinskim sredstvima („Službeni glasnik BiH“ br. 58/08) i Zakonom o lijekovima („Službene novine Federacije BiH“ br. 109/12), a naročito da u skladu sa članom 70. Zakona o lijekovima i medicinskim sredstvima („Službeni glasnik BiH“ br. 58/08) lijekove nabavlja samo od proizvođača, odnosno veletrgovaca lijekovima, koji imaju dozvolu za proizvodnju, odnosno promet lijekova i koji su upisani u važeći Registar proizvođača lijekova u BiH, odnosno važeći Registar veletrgovaca lijekova u BiH.

Član 5.

Ugovorne strane su saglasne da se lijekovi isporučuju prema propisanim i ordiniranim terapijama korisnika usluga, te da se može izvršiti nabavka i lijekova koji nisu navedeni u specifikaciji Ugovornog organa i Ponudi Dobavljača, koja je sastavni dio Okvirnog sporazuma i ovog Ugovora, a za koje postoji dozvola za promet i koji su upisani u važeći Registar lijekova, o čemu bi se ugovorne strane prethodno usaglasile.

Prijedlog za promjenu količine i vrste lijekova, osim u hitnim situacijama, Ugovorni organ je obavezan dostaviti Dobavljaču u pismenoj formi, radi postizanja saglasnosti o cijenama istih. Po dostavljenom prijedlogu Dobavljač je obavezan izjasniti se u roku od 2 dana.

Ne postizanje dogovora u vezi sa eventualnim promjenama vrste i količine lijekova i cijena istih, predstavlja osnov za raskid Okvirnog sporazuma i ovog Ugovora.

Član 6.

Ugovorne strane su saglasne u pogledu uvjeta koje Dobavljač mora poštovati prilikom isporuke lijekova:

- d) Dokumentacija – Svaka osoba koja sudjeluje u prevozu lijekova mora kod sebe imati sanitarnu knjižicu koju na traženje odgovorne osobe za prijem mora dati na uvid;
- e) Prevozna sredstva – Vozilo kojim se vrši prevoz i isporuka lijekova mora udovoljavati propisanim higijensko-sanitarnim uslovima, mora se vršiti redovna dezinfekcija, mora biti uvijek čisto.
- f) Lijekovi – Lijekovi moraju biti u propisanoj i adekvatnoj namjenskoj ambalaži (transportnoj i pojedinačnoj). Uputstvo za upotrebu mora biti na jednom od službenih jezika koji su u upotrebi u BiH.

Član 7.

U slučaju isporuke lijekova nabavljenih od proizvođača, odnosno veletrgovaca lijekovima, koji nemaju dozvolu za proizvodnju, odnosno promet lijekova i koji nisu upisani u važeći Registar proizvođača lijekova u BiH, odnosno važeći Registar veletrgovaca lijekova u BiH ili u slučaju da Ugovorni organ na bilo koji način sazna da Dobavljač krši odredbe iz člana 6. Okvirnog sporazuma ili u slučajevima ponavljanja situacija iz stava 2. i 3. ovog člana, Ugovorni organ zadržava pravo da ovaj Ugovor i Okvirni sporazum raskine, uz prethodno pismeno upozorenje Dobavljaču na mogućnost raskida ugovora uz navedenje razloga za raskid.

U slučaju isporuke neodgovarajućih lijekova (koji nisu bili predmet narudžbe) ili isporuke neodgovarajuće količine lijekova, Ugovorni organ zadržava pravo da izvrši povrat lijekova i da zahtijeva odgovarajuću isporuku.

U slučaju povrata lijekova od strane Ugovornog organa zbog razloga navedenih u stavu 2. ovog člana, Dobavljač se obavezuje da će najkasnije u roku od 2 sata otkloniti razloge zbog kojih je izvršen povrat lijekova i isporučiti potrebne lijekove.

Član 8.

Dobavljač se obavezuje da će predmetnu robu isporučivati kontinuirano, na osnovu pojedinačnih narudžbi, u skladu sa nastalim potrebama Ugovornog organa.

Ugovorne strane su saglasne da se narudžba robe koja je predmet Ugovora, vrši u dogovoru sa ljekarom ili glavnom sestrom Ugovornog organa, putem telefona ili putem faksiranja narudžbenice.

Ugovorne strane su saglasne da Dobavljač isporuku robe vrši vlastitim vozilima, na adresu Ugovornog organa, ulica Aleja Bosne srebrene br.7., te da se prilikom isporuke i prijema robe izvrši zajednički pregled robe.

Dobavljač garantuje isporuku lijekova naredni dan po narudžbi, do 10:00 sati ujutro, a za slučaj hitne potrebe, garantuje isporuku odmah po prijemu narudžbe.

Član 9.

Ugovorne strane su saglasne da Dobavljač fakture za plaćanje ispostavlja do 30-og u mjesecu za svu robu isporučenu u toku mjeseca, a na osnovu otpremnih dokumenata (otpremnica) potvrđenih od strane Ugovornog organa da je roba preuzeta.

Ugovorni organ se obavezuje da će plaćanje za isporučenu robu vršiti u roku od 60 (šezdeset) dana po prijemu fakture, na transakcijski račun Dobavljača broj: 1610000021810073 otvoren kod Raiffeisen banke.

Plaćanje robe po ovom Ugovoru vršit će se u konvertibilnim markama.

Član 10.

Ukoliko Dobavljač zakasni sa izvršenjem ugovorenih obaveza, dužan je platiti Ugovornom organu, za svaki dan zakašnjenja u izvršenju ugovorenih obaveza, ugovornu kaznu u iznosu od 2% od vrijednosti konkretne nabavke sa kojom se zakasnilo.

Ugovorne strane su saglasne da je za slučaj neizvršenja ugovorenih obaveza Dobavljač dužan platiti Ugovornom organu ugovornu kaznu u iznosu od 5% od vrijednosti konkretne nabavke koja nije izvršena.

Ugovorni organ se obavezuje da Dobavljača odmah obavijesti o svakom neizvršenju ili kašnjenju u izvršenju ugovorenih obaveza, na osnovu koje je Dobavljač obavezan umanjiti iznos fakture za plaćanje u skladu stavom 1. i 2. ovog člana.

Pored prava iz stava 1. i stava 2. ovog člana, Ugovorni organ ima pravo naknade štete, ako je ista prouzrokovana ovim neizvršenjem ili zakašnjenjem.

Ugovorni organ zadržava pravo da u slučaju ponovljenog kašnjenja ili neizvršenja ugovorenih obaveza ovaj Ugovor raskine.

Član 11.

Svi uslovi iz tenderske dokumentacije broj: 09-1458-1/15 od 27.11.2015.godine i ponude Dobavljača broj: 25/15 od 21.12.2015.godine čine sastavni dio ovog Ugovora.

Član 12.

U svrhu izvršenja ovog Ugovora Dobavljač nema pravo zapošljavati lica koja su učestvovala u pripremi tenderske dokumentacije ili koja su učestvovala u svojstvu predsjednika ili člana komisije za javne nabavke, najmanje šest mjeseci po zaključenju istog.

Član 13.

Ovaj Ugovor se zaključuje na period od jedne godine i stupa na snagu danom potpisivanja obadvije ugovorne strane.

Član 14.

Ugovorne strane se obavezuju na pridržavanje zakonskih propisa, čuvanja poslovne tajnosti i pridržavanja poslovnih običaja.

Član 15.

Ugovorne strane mogu ovaj Ugovor raskinuti i prije njegovog isteka, ukoliko se neka od ugovornih strana ne bude pridržavala njegovih odredaba, uz prethodno izmirenje svih obaveza nastalih po osnovu ovog Ugovora.

Član 16.


Otkazni rok po ovom Ugovoru je 30 dana, od dana prijema pismenog obavještenja o otkazu Ugovora, a po isteku ovog roka, Ugovor se smatra raskinutim.

Član 17.

Sve eventualne sporove koji nastanu u toku realizacije ovog Ugovora, ugovorne strane će nastojati riješiti sporazumno, a ukoliko to ne bude moguće, za rješavanje sporova nadležan je Sud u Sarajevu.

Član 18.

Ovaj Ugovor je sačinjen u 4 (četiri) istovjetna primjerka, od kojih svaka strana zadržava po 2 (dva) primjerka.

DOBAVLJAČ:


Broj: _____

Sarajevo, _____




Fetihović



UGOVORNI ORGAN:

Broj: 09-1458-9-2/15

Sarajevo, 23.01.2017. godine